

✂ و امر هم شوری بینهم ✂

«اعلاى دين»

فخريه

«تخليص وطن»

نومرو ٥ ٨ شعبان المعظم ١٣١٤

شورای امت

١١ كانون ثانى افرنكى ١٨٩٧ سنه ١

آدره سبز:

آبونه بدلى : هريراى چون سنه لکى برانکيز ليراسيدر . ✂ بازار ايرتسى کونلرى شراولنور ✂

قانون اساسى — صندوق البوسته نمرة « ٣٣٠ »

BOITE SPÉCIALE
N. 330

CAIRE, (Egypte).

مصر القاهرة

نه ممکن ظلم ايله بيداد ايله احماى حریت

چالیش ادراکى قالدير مقتدرسه ک آدمیتدن

کال

داخلده بولنان ارباب غیرت و حیتة نشر و تعمیعی تعهدایتدیکی

حالده مجاناده کوندریلور .

وسائط مخصوصه ايله ایسته یئر ايجاب ایده جک فضا

محررى : شیخ علی زاده خواجه محى الدین

نسخه سى ٢ غروشدن

اجرتى کوندرمیلدر

افکار عمومیه ملیه یی تنویر ايله وطن مقدسمن ک تخلیصی شریعت و حیت نامنه طلب ایدن جریده منک تعمیعی هر مسلم و عشاقالی ایچون برفریضه در

روسیه و لاماسله دهك زیاده علاقه دار اولاندن
و خاطری صابیلور قیلردن بولنان انكتره ایله
آلاشمق ایسته مشدر . بو بوله كی حركاك فاتحه سی
برنجی نیقولانك لوندرویه سیاحتی مناسبه اوزمانلر
روسیه سرکار امورنده بولنان (قوت دونسلرود)
طرفندن انكتره ویریلان محطره دركه : « حكومتك
یعنی روسیه و انكتره نك قناعت حاصل ایتدكاری اوزره
دولت عثمانيه نك بقای و تمامیت ملیكه سنی محافظه
ایلمسی منافع مشتركه لری ایجابندن و بقای صلح
لوازمنددر » كی سوزلرله كوزوباند قدن صوكره :
« بموصدك حصولیچون دنخی باب عالی نی راحت
براقوب برطاقم مداخلات سیاسی ایله اشغال ایته
ملیدر »

« یالکز برطرفدن باب عالی به معاهداته رعایت
ایتمی و خرسیتان تبعه سنی خوش طومنه سنی قویاً
توصیه ایابوب دیکر جهندن ده تبعه خرسیتانی نی حکومت
حاکمه لرینه قارشى دائرة اطاعتده بولندیرمغه صرف
نفوذ ایتلیدر . بوصورتله حركتی عموم قاینه لرك
تعقیبله مشكلات برطرف اولور و تركیه نك بقای بر
اساس متین اوزرینه تأمین ایدلش بولنور . مع ما فیه بو
حكومتك اسباب اغلالیه سی يك چوق اولدینغندن
بعض وقوعات غیر منتظره دوست قاینه لرك تخلص اید
میه جگوری صورتده تركانك سقوطنی ایجاب ایدرسه
باشلیچه روسیه و انكتره نك مشترکاً و متعاوناً حركتلی
تهلكه ملخوظه نی يك تنقیص ایدر » دیشدر .

محطره ده يك زیاده قبالی كیلن روسیه نیاتنك دهشتی ،
یعنی باب عالی نی اوزمانلر جداً اصلاحاته سوق ایتك
ایستیان غرب قاینه لرینك و بالخاصه فرانسه نك تأثیر ندن
قوراروب بولندینی كشمكشده دوام ایتدیرمك بر
طرفندن در خرسیتان تبعه نی شماردوب باشمزه بیک
غائله آچهرق كندی كندمزه بیله عقمیزی باشمزه آله
حق قدر برنفس آلدیر مامغه جالشقم استلیدیكی تقدیر
اولنور . بوندن صوكره ده تركیه نك تخلصی ممكن
اولیه حق بر سقوطنده اخاذ اولنه حق تدابیر مشتركه به
صره كلیر . بونی ده بالذات برنجی نیقوله نك آغز
ندن دیکله یلورز : كه ارقق هیچ صوكنورور یری
قالماز :

۱۸۵۳ سنه سی كانون نایسنك طقوز نده غران دوشس

اولغانك ویرمش اولدینی برمسامرده برنجی نیقوله
اوزمانلر انكتره نك پتر سبورغ سفیری اولان « لورد
سیمور » تركیه نك مقرر اولان اقتراضی سبیلله هر
احتماله قارشى بر « روس و انكلیز » اتفاقی لزومندن
بحث آچهرق اقصاءه جالشمش ایسه ده لورد سیمورك
اعتراضاتی اوزرینه سوزه نتیجه ویرله مه مشدر بر قاج
كون صوكره سفیری سرایه دعوت ایدوب كنه عین مسئله
یه نقل كلام ایدرك « انكتره نك تركانك بقای طرفدارى
اولسی حاله موافق اولدینی كی روسیه نك دنخی توسعه
احتیاجی اولدینغندن بو نقطه ده متحد الافكار اولمسنده
بأس یوقدر ! مع ما فیه هر حالده بر اقتراض ملحوظه
قارشى انكتره ایله آلاشمق لازمدر : كه او حالده بن
انكتره نك مصری و كریداطه نی اشغالنده بأس كوره
مم و روسیه ایچون ده یالکز تركانك اورواده كی قسمنك
حمایه سیله استانبولك موقه اشغالی لازمدر ! بوباید
انكتره نك فكرینی اوكرنك ایتدردم » دیه رك یازارلغه
رواج تام ویرمشدر !

بونك اوزرینه انكتره نك تركانك اصلاح و اسباب
بقای طرفدار لغنه مستند جوابی ومشله یه بر آزدها
ایضاحات طبایعیه سی چارك مافی الضمیرینی بسبتون
اورته یه قومه سنه وسیله اولمشدر : كه اوده خلاصه
شوسوزلردن عبارتدر : « استانبولك مؤید روسلر
طرفندن اشغالی ایسته مم ! انكلیز و یافرانسز كی دیکر
بر حكومت كیره نك تحت حكمنه كچمه سنه ده قطعاً اراضی
اوله مم ! هله برایكنجی یزاس ایتراطور لنگك احیا
سنه و یاخود یونانسانك توسع و كسب قوت ایته سنه هیچ
مساعده ایله مم ! كذا تركیه نك اوافق جمهوریتلره
انقسامیه برطاقم احتسالیلاره ملجا اولسی ده منافعه
مغایر در ، بو اوغورلرده ایجاب ایدرسه بر عسكرك ، تك تفكك
قالتجه یه قدر حرب ایدرم »

بوسوزلرك مقدمه سنده چارك استانبولدن استغنا
سنگ نه درجه شایان اهمیت اولدینی سوبلك لازم
كلر !

صوكره دن رسمی محطره لر ، لایحه لر ایله تأیید
اولنان هپ بوفكر لر ، نیتلر تعقیب اولنه اولنه ایش
بورره سه یه كئلشدر . شمدیكی دقیقه ده حالز هپ اولکی
مصائب حربیه نك فرداسنی اكبری سبور . دولت عثمانيه نك
بقاسنده علاقه دار اولاندرو قارشى روسیه رسا سلطان به
تنضیق اجراسنه مساعده ایتیه كچی « بیلدیرور . آچیقندن
آچیفه ایشلرمك دوزله سنه ، جدی اصلاحات اجراسنه

مانع اولیور .

اولکی ایتریق لرنده كندیسنه قارشى بقامزه چالیشان
انكتره و فرانسه نی آیرمغه موفق اوله مدینی كی داخلده
ده آمانه بودرجه موافق بر اداره بوله مامشدی .
بوسبیلله قریب محاربیه سی نكین اشیا امیدلرینی رخه
دار ایتشیدی . شمدی ایسه برطرفدن داخلده هر
آمانه لیک دیان بندكانك وجودیه خارجك بی قرار
حركاتی ترویج آلمی ایچون لك موافق برز ماندرو
بناء علیه نتیجه حال بویكی نقطه نك آله جسنی رنكه
باغلیدر ، شوقدر واركدها شمدیدن اوروپا یه كوز آغار
تقدن كیری دورمیان دب اكبرك موازنه نی بوزه حق
قدر كسب قوت ایته سنه مساعده ایدغیه دكین اوروپا سر
سملكنك دوام ایتیه كی ماضی اعتباریه قویاً ملحوظ
و مقدماتی پارس و پترسبورغكی آثار اغلالیه ظاهر
اولدینی كی داخلده كی روس طفیلات مضره سنك دنخی
ماهیتلری میدانه چیقاراق ملتزمده سلامتجویانه آرزولر
اویانمشدر . بناء علیه اكبر و وطن بویجران دمنده
حركات عمومیه یه یشوا اولوب ده قلب ملته صارلش
اولان روس بشجه سنی دفع ایتلی . بوصورتله روس
استیلا سنه سد كچمكه مجبور اولان قوای خارجیه یه
مظاهرات ایتلیدر . عكس حالده نتیجه نك فلاكتلی
اولسی طبیعی در كه اوكونده اغلالیه جقار ایچون بوكون
ندن جالشقم وشوبلای میری باشزدن دفع ایتك
لازمدر . بوقمه (روس دوستمرك) نصایحنی حسن
تلقیده دوام اولنور ، و عثمانيه یاقیشه حق بر بویكك
كوسرتیه میوب ده ملت اولوری مركز استبدادك
خوفیه — اللهدن قورققسزین — میدان مجاهده ده
بولنان وطن اولادندن دریغ همت ایدر لسه بوكون
بارین هر امیدك اقطاعی محققدر .

ایشته سنه باشی یورطیلرنك عقیدنه ساحه ظهوره
كه جك وقوعات بو نقطه لره معلقدر فكر ندیز .
نجدتی

مقاله شرعیه

دین مبین اسلامه منتسب اهل ایمانك ظلم پادشاهلر
وامرایه قارشى وظیفه لرینی كتب معتبره اسلامیه دن
صره سیله ترجمه و نقل ایده جكمزی و عدايتش ایدك .
درت یوز سكسان سنه هجریه سی رجال ذوی
الاختر امتدن امام محمد الغزالی حضر تلرینك شرق
و غرب علماسنك ایدای احترامنده طوطدقلری احیای
علوم نام كتاب مستطانی اختیار ایله سائر لرینه ترجیح
ایلدك . سببی ده امام غزالی فقه وحیدشه امام شافعی

ثانی. وزمانك علوم حكيمه و فلسفه سنده : مراتب منتهای واصل اولش علامه جیدانی ، اصول فقه و علم كلامه : مقتصدای اكابر ، فن تصوف و تقویده . غواس هر حقایق و الحاصل بالجلسه علومده متبحر بر ذات فاضل اولدینی و بغداد خلفای طرفدن مناسب عالی به اقتصاد ایدلیدی حلاله آلاش فاییدن استغنا کوسترمش برداهی بی امائل بولندینی و همسوزی امته حاجت مقامنده شایان اعتماد کوردلیدی جهته علمای محققین اسلامیه طرفندن « حجة الاسلام » لقبی ویرلشدر . که علم اصول فقهدن ابن حاجب « منتهی » سی و قاضی عضد الدینک شرحی و حوائی سعد و سیدی و علم کلامدن مستن موافق و شرحی و امام فخر الدین رازینک تفسیر کبیری کبی کتب محققین قارشدر یله جق اولورسه هان اکثر اورا فقهده (حجة الاسلام) عنوانی نظر لره چار یار .

علم اخلاقدن احیای علومنی آلمانلریله لسانلرینه ترجمه ایدرک دفعاتله طبع و نشر ایدلیدی حلاله مقام خلافتده لسان ترکی به حالا ترجمه ایله طبع ایتدر مسا مستنک سبی سیاست شرعی به دائر محتوی اولدینی مسائله هر کس واقف اولورده ظالمینه قارشو وظیفه شرعیه لرینی طایر لر احسارازی اوله بیلور . که بوده بادشاهلرک جمله سیاسیه سندن معدود اولسه کرکدر . چونکه : کتاب مذکور رجال علمیه دن رذات طرفدن ترجمه ایدلش و طبعنه رخصت استحصالی چون اقدامنه کوندلش ایکن مندرجاتی (مسلك شاهانه لرینه) توافق ایده میسه جکی ابو اهدی افندی طرفندن — بخاری شریفک احراقی کبی — ارشاداتی عرض ایدیه رکه مساعد لری کرم ریز صدور اولما مشدر . بو کیدیشه باری عربجه برکتنا ظنیله قرآنی چیزمه لرینه شایان تشکر در . بوده محایف تاریخ شاهانه لرینی ترین ایده جک خدمات دینی لری جمله سندن اولدینی جهته مورخین زمانک صاخ تدقیقلرینه عرض ایلر . امام غزالی احیاسنک ایکنجی جلدنده بروجه زیر خلمه ران تحقیق اولورلر ، دیور لرکه ، اشبو آلتنجی باب ظلم خلیفه و پادشاهلر و آنلرک غیری امراء و وزراء ایله اختلاط ایتسک ، آنلرک مجلسلرینه صوقولق . یانلرینه کیتسک ، کندیلرینه احترام ایلیمک حلال اولوب اولسادینی بیان ایدر .

بیلکتر . که ظالم پادشاه و مأمورین ایله اختلاط اوج صورته اولور . برنجی صورت — که ال کونو سیدر — اوده سن آنلرک یانه کیدرسک ! ایکنجیسی اولکیسنک حقیقیدر . آنلرسنک یانسه کورلر . اوجنجیسی آنلردن قاچنوب نه آنلری کورسک ونه

ده آنلرسنی کوررلر : اسم اولان ده بودر .

صورت اولی شریعتده بک مذمومدربوبیده و آنلرک سولنه ککش زیاده شدتی و غایت آغز خبرلر وارلر واردر . اولا آنلری نقل ایدم ده شریعتک ذمی هر کسجه بیلمش اولسون . آندن سوکره ده بوکبی پادشاه وعونه لرله کورشمه نکه زده ده حرام . زده ده مباح ونه کبی مجله مکروه اولدینی ظاهر علمده فتواک مقتضای وجهه بسط و بیسانه باشلايه جغز .

امالاخبار — فخر کائنات محمد المصطفی صلی الله علیه و سلم حضرت تلی ظالم پادشاه و امرای لسان معجز بانیله وصف ایتدکری و قتده بیورسورلردی که دفن نابذهم نجوا من اعترظم سلم اوکادان یسلم ومن وقع معهم فی دنیاهم فهو منهم » یعنی هرکیم که بویه ظالموردن قاچنورسه منافق و مداهنه کارلقدن نجات بولور . و هرکیم که آنلریله دنیا ی دینه لرده بولتورسه آنلرک ایشلیدی فتالقدن مسئولدر . و آنلردن بری صایلور . غزالی سینی ده سولبور . « بر آدم آنلرک یانلردن چکملکه کناهدن سلامت بولورسه ده لکن اوکبی ظالمیر سیئانه قارشو شرعاً لازم اولان غوغاو نزاعی ترک ایلیدی حلالده عذاب کربیدان سلامت بوله میه رق حصه یاب شراره نعمت اولور .

« قال رسول الله صلی الله علیه و سلم : سیكون بعدی امراء یظلمون و یکذبون فن صدقهم بکذهم و اعانهم علی ظلمهم فلیس منی و لست منه و لم یرد علی الخوض » یعنی رسول اکرم (صلی الله علیه و سلم) بیورسورلر که « بسدن سوکره برطاقم پادشاهلر و امرلرکله جکدر آنلرنا سه ظلم ایدرلر . یلان سوزسولرلر . هر مؤمن که آنلرک یانلرینی تصدیق ایدر و ظلملرینه اعانه ایلر . اوکیسه بنم امتدن دکدر . بن آندن دکلم و یوم قیامتده خوض کوثره کله من .

(عراق دیورکه اولکی حدیث شریفی طبرانی و ابن ابی شیب و ایکنجیسی نسائی و ترمذی روایت ایدلر . حاکمده تصحیح ایتدی)

ابوهریره (رضی الله عنه) نه قال . قال رسول الله (صلعم) « بغض القراء الی الله تعالی الذین یزدرون الامراء » . در .

یعنی عند صمدانیده علمایک که بغض و عداوتلیسی او لانقراء امرای زیارت اید نلردر یور مشلردر و خیر ردوی الخیر الامراء الذین یأثون العلماء و سر العلماء الذین یأثون الامراء » یعنی خیرده واقع اولدی که امرایک خیر لیلی علمایه کلنلردر علمایک شری ده امرایه کیدنلردر « و فی الخبر العلماء انما الرسل علی عباد الله تعالی مام یخالطوا السلطان فاذا فعلوا ذلک فقد خالوا الرسل فاحذرهم و اعزلوهم » روادانس (رضی الله عنه) یعنی : خبرده واقع اولدی که علما سلطانله اختلاط

ایتمدکاری مدخه رسل عظام حضرت تلیرنک عباد الله اوزرینه امینلریدر . اگر علما سلطانله اختلاط ایدر لرسه رسل کرامه اخانت ایتش اولورلر . سز او یله علمادن قاجیکر ! آنلری یانکتره کتورمیوب دفعه ایدیکر !

(واما الآثار) « فقد قال حذیفه ایکم و موافق الفتن قیل و ما هی قال ابواب الامراء یدخل احکم علی الامیر فی صدقه بالکذب و یقول ما لیس فی » حذیفه بن یمان (رضی الله عنه) دیدی که فتنه مبلندن اوزاقی اولیکتر ! — فتنه نه در دیه صورلدی — جواباً : « ملوک و امرایک قبولریدر . سزدن بریکر امیریانه کیدر انک یانلری تصدیق ایلر و آنده اولمایان رشیک بولندینی سولر » دیدی .

وقال ابوذر سلمة « یاسلمة لا تفش ابواب السلاطین فانک لا یصیب من دنیاهم شیئاً الا صابوا من دینک افضل منه » یعنی اصحاب کزیندن ابوذر غفاری (رضی الله عنه) سلمه بن قیسه دیدی که « ای سلمه ! سلطانلرک قوناقلرینه کیدوب ده آنلرده اولمایان فضیلتی خلاف حقیقت تصدیق ایتد : زیرا آنلرک دنیا ماللردن بر شینه نائل اوله مازسک الا نائل اوله جکک شیدن افضل اولان قیمتی دینکدن چوق شی قایوب ضایع ایدرلر .

سفیان ثوری (رضی الله عنه) دیدی که جهنمده بر دره واردر که اوراده کیسه ساکن اولما نحق پادشاهلری زیارت ایدن علما ساکن اولور .

اوزاعی (رحمه الله) دیدی که امراء و کلاهی کبی عملدن برینی زیارت ایدن عالم قدر عند الهیده زیاده بغض و عداوتلی هیچ برکیسه بوقدر .

سمون عابد (رحمه الله) دیدی که نه قدر کوتودر او عالم که آنک مجلسنه کیدیلوب ده بولتسون و زده ده در دیه صورلنجه پادشاه یانسنده در دینلسون . و بن مشایخ کرامدن ایشندم « دنیا ی سوربر عالم کوردیکر و قتده آنی دیننده قصان وار دیه اتهام ایدیکر حتی بونی بن تجربه ایدم . هر نه وقت که سلطان یانه کیندم ایسه انک یانندن حقیقدن سوکره نفسی محاسبه ایلدم .

نفسمده تنزل کوردم حالوکه انکه مکله انسا سنده دأما آنلره آغز سوزلر سولردم . و آنلرک هوا هوو سارینه مخالفت ایدردم .

قال عبادة بن الصامت انصاری (رضی الله عنه) دیدی که عابد اولان قارنک امرایه محبت ایلمسی نفاقدر اغنیایی سومی ریادر .

ابوذر غفاری (رضی الله عنه) دیدی که ظلمه نکه جاعتی تکشیر ایدن کیسه ظلمه دن معدوددر .

وقال بن مسعود (رضی الله عنه) «ان الرجل یدخل علی السلطان ومعه دینه فیخرج ولادین له» قیل له ولم قال لانه یرضیه یسخط الله» یعنی: برکیمه پادشاهک بانه کبرسه طبعی دینی ده برابرر چیقیدی وقت دینسر چیقار دیدی. آندن یونک حکمتی صورلدی. جواباً پادشاه ظلمه دن اولدینی حالدله او محبت و رضا کوستر می حبسیله سخط و غضب الهی به قارشی کاور دیدی.

واستعملی عمر بن عبدالعزیز رجلاً فقیل «کان عاملاً للحجاج فعزله فقال الرجل انما عملت له علی شیء یسر فقال له عمر حسبک لصحبته یوماً او بعض یوم شتوماً وشرأ»

ملوک امویه ایچینسده عدالتله معروف و خلفای راشدین مسلکته سالک اولان عمر بن عبدالعزیز (رحمه الله) بر شخصی مأموریتده استخدام ایلدی. آکابو آدمک حجاج ظالمک استخدام ایلدیکی مأمورلردن ولدینی خبرورلدی. یونک اوزرینه عبدالعزیز بو آدمی در حال عزل ایلدی. او شخص «جانم» بن آبرمدمت حجاجک مأموریتده بولندم دیدی» ایسه ده عمر جواباً «برکون و یاخود بر قاج ساعت اتمک مششوم و کونوصحبتی سکا کافیدر» دیدی.

فضل بن عیاض (رحمه الله) «برکیمه نلک سلطانه قریبی زیاده لشدکجه رضای الهی دن اوقدر اوزا فلاشیر دیدی.

سعد بن المسیب التائبی (رحمه الله) زیتون تجارتیله تعیش ایدرلردی. شوتجاریمده شبه سز اوکی ظالم سلطانره غنا و احتیاج سزلی وارددریه رک خالفته شکرانه سوزلرده بولنوردی.

وهیب بن دردالمکی (رحمه الله) دیدی که بو حریفلرکه پادشاهلریانه داخل اولورلر انلر امت محمدیه ایچون قار جیلردن ده ازیاده ضرر ایدرلر.

فضالی صحابه دن محمد بن سلمه (رضی الله عنه) بویه ظالم امرا و ملوک قوناقلرینه، سرایلرینه کیدن رفاه ایلر بورده نعلری اولان علمدن نجاست اوزرینه قونان سیوری سنک ده اشانلیدر. دیدی (بونی قوت القلوب کتاب مستطابک صاحبی طالب مکی دخی نقل ایلدی)

ابو بکر انزه دی ملوک امویه دن عبدالمک بن مروان واوغلی هشامک شامده یانلرینه کیدر اختلاط ایلردی اکادین قوندائی علمادن بر ذات بر مکتوب یازدی که شویله باشلا یوردی: «یا ابو بکر! جناب حق بزنی و سنی فتنه لردن محافظه ایلسون سن شدی بر حالده سک که سنی ییلن کیمسه نلک سنک ایچون الله ده و اسکارحم ایلمسی شعار اخوتیدر، سن بیوک شیخ اولدک. کتاب

الله و سنت رسول الله و قوفک حبسیله جناب حقک نعمتتری سنک اوزرینه اغرا لشدی. حالوکه الله تعالی نلک علمادن آلدینی عهد و میثاق بویه دکلدیر. زیرا جناب حق جل و علا «لیینته للناس» بیوردی. دیدیکمه قولاق و یرکه سنک ارتکاب ایلدیکنک الک قولانی، یوکلندیکنک الک خفنی، حق یرینه کتیر میان و باطلی ترک ایتمان سلطانک بانه قریبک حبسیله ظالمک و خشتی اونوتدک! و ظلم و بغیک یولنی تسهیل ایلدک! او خائیلر سکا یا انجانه سنی قطب یایدیلر. اسباب ظلملرینی سنک اوزرینه دوندر یورلور. و سنی کورپی اقتاذ ایتدیلر. سنک وجودکله ملته یاغیر دقلری بلالو مصیبتلرینه فرستایب مرور اولورلر. و سنی مردیون قوردیلر هر فنا ققلرینه سنک قیامکله صعود ایده یورلر. سنک بونلره قریبتک علماء کاملی شکه دوشوردی. خلق علمانک هسی بویه در دیه سوء ظن ایده جکلر ظالم سنک سیکله جهلانک محبتلرینی کندلرینه چکیورلر. سنک دینکدن آخرتکدن خراب ایتدکلی شیئه نظرأ سنک ایچون اعصار ایتدکلی شی کارلی حقیقمدی سنک دینکدن افساد ایتدکلینه قارشی سندن اخذ ایلدکلی شی جوق اولدی.

جناب حقک «فخلف من بعدهم» آیت کریمه سنی حققلرنده بیوردقلری کیمسه دن بری اولمقلرکه سنی نه کبی شیر ایمان ایتدیردی؟ جهلدن مبراوره. شینی علم اولان ذات اجل اعلا به قارشی بو مصیبتی بیلمه من لکدن کلورسک! حالوکه غفلتدن مزه اولان ذات اقدس سنک یایدیسک فنانی ینه سنک علیه حفظ ایده یور. دینکله مرض و سقامت عارض اولدی. تدای ایلر کیده جکلک سمرت بعید ایچون، که آخرتدر، لازم کلان عمل صالح قاقنی حاضر و آماده ایلر! جناب حق عارض و سواده هیچ برشی کیزلی دکلدیر! والسلام! فاعتبروا یا اولی الابصار!!

ای علمای اسلام! وی مشایخ کرام! تفکر ایلدیکر که اصحاب کرام علمای تابعین، و مشایخ عظام و سلف صالحین ظالم پادشاهلر و الیلر حققلرنده نه قدر ایلری کیدرلر. و آتار قارشی دائماً نظر دقلرینی اوزادوب احوالی ققیش ایلرلردی. ظلمه میل ایدلری، آتار کیدنلری، شانسزده بولنانلری نه یوله ده ذم ققیق ایدرلردی. اعالی اسلافک حرکاتی، اخلافه نمونه امتثال دکیدر؟ سزایسه سولولک کبی وطنک قانلرینی اتمک ایچون خلق اولان اداره حاضره یادکارلرینک آنکرنرینه یاپیشور سکز. آنلرک بلانلرینی برردلر توچیاتهله تصدیق اتمک کبی بیایلیق کوستریور سکز. بو حال نه در؟ امت سزدن بونی کورنجه اوزرکزه اللرینی

سلیکیورلر. باشبار کزدمکی قاقوق، تاج و کلاه رک آرقه کردکدی بشار ویشیل، یشیل حیدر یلرک آتارینه طقیلوب ده خلقه قارشی زهد و اتقانی کوستر مک ایستورسکر؟ آتار آلدانه حق زمانلر کچیدی. سزمتک اولوسی ایسه کز طلبه کری، در ویشلر کزی آرقه کره طاقیکر! ییلدیزه دوغری کیمکه باشلا ییکر. سزی کورن اهالی ارقه لر کره طاقیشیر، هم کیدبکر! هم عدالت، مبعوثان، حریت دیه نند ایلدیکر. حکومت سزی طونارسه دیکلری سزه پیرا اولسونلر. آرقه سی کسبله سون. امین اولیکر که حکومت سزی محو ایدم من؛ چونکه سزک حرکاتکر احتشال اولیوب استعزام معدلت اولدینی جهتله اجنبیلرک دخی نظر دقلرینی جلب ایدر.

اداره ظلمه اورکر، تتره. شمدیکی حالدله اورویا دولتری قوتلر و وضعیچون اوغراشورلور. اولوقت اسلامارک دخی موجودیتی کورونجه حکمرانیت دولتی محو ایدن رقابت دولیه یرینه مبعوثان ملتی طلب ایتکجه یوزجو یورلر. ییلدیز نشینلر ده هر طرفدن صقیلوب عاقبت ملتک «مراد» ینی ویرمه مجبور اولور لر. زیرا خائیلر دائماً خائف اولورلر. سز بر آزیینه حمتکزی شریعت اوغورنده اعدای وطنه کوستریکر! بیوکلرک آرقه سی صره کوچکلر کلر لر. سز نه وقت بویه اندام جلالت و محبت کوستر دیکر ده کلیدیلر. یوق بوضره ده سز کور و نیمه جک اولورسه کر آرق بوندن صوکره زهد و تقوی سوزلر کزی دیکله جک کرامتلی الکرکی اوپه جک بولنیمه جقدیر. واعظلک مرشدلک بویه یوله لازم مدراسکی حکایه لردن اوصانق بویه پائمازسه کر قیدر کیده دوشه جکدر نفیدن قور قیورسه کز! بولندیفکر حال نه در؟ تفکر ایلدیکر! مدرسه کوشلرنده نیکه بو جاققلرنده سزی آرایان صوران واریمیدر؛ بو احوال کز سوز کونلکدن بدتر دکیدر؛ باری سورولسه کر یوکلککری کوسترده کیتدیککر یرلرده اهلیدن ده ازیاده احترام کوریر ایدیکر. هم ده اسملر کر اوراق ملته قید اولور بوضورته قیامته قدر کوز یاشلری دوکیله رک محبتله یاد اولور دیکر. و قتیله نفی اولیان. مشقت چکیمان مشایخ کرام واریمیدی؟ سز آنلری یانیله یاقیله بیک لذتله مرید انکره اکلا دیور سکر. او شهره کیده جک بر مرد یوقیدر؟ آق صفالار کزی آخرته هدیه کتورمک ایچونمی بیوتدیکر! طبانسز لقی براقوب ده بر آزیولجه نفس آلیکر! بونفس دارلر کز نه دن کلدی؟ الله عشقنه شریعت احکامینی ملتک سعادتینی بویلدیز خائیلرینک آیاقلری آتنده اذدیر میکر! ملتکزه آجیکر!